



目珠著傷記

兩禮拜前，下班了後轉去屋下，睺天色猶早，即擎一支弓蕉刀行去舊屋下，遶遶巡巡个。睺遐兜赤妹子發到恁弓，即隨手拈佢擲莫，擲有一睷啊，睺著歸大墩个草，真有成就感。本來想講今日即做到這，好轉去食暗頓。毋過睺著遐猶有真多个草，兼擲著順手順手，即擲擲落去，愈擲愈順，毋過即在專心做事个時，無注意著撫身臂有一頭細頭樟樹。一幹身目珠嘎撞著樹樑。起頭下小可疾定，擎心目珠瑣著物件，攔緊去洗水後轉去屋下。

食暗頓个時，感覺目珠內底有物件，本來想講歇睷即好，應該無麼个。毋過愈來愈艱難，即攔緊去睺目科。醫生檢查了後，講目珠著傷，目珠若像鑪著，有幾下空。愛好好歇睷保養，差不多愛兩、三禮拜正會好。毋過到暗夜，目珠嘎越來越疾，疾到毋會睡。不只著傷个左蕊目珠無法度擎金，連帶正蕊个目珠嘛擎毋會開。忍耐到天光，打早阿怙即載佢去較大間个病院睺目珠。沿路兩蕊目珠攔擎毋會開，心肝底實在真擎心攔艱難。想著阿怙攔恁多歲啊，猶愛恁擎心，想著心肝底實在真毋會得過。

進去睺醫生，做檢查，醫生講後擺目珠若好啊，視力會伸 0.5 定，想著這，即全然操煩。在護士點目藥落去个時，目珠更加疾到坐嘛毋係、企嘛毋係、睡嘛毋係，正經係坐立難安。兩蕊目珠做一下擎毋會開。這時佢更加會體會著目珠無好个苦憐。一句事講「肝若無好，人生係烏白个」，目珠若無睺，人生即係烏暗个。想著撫身臂一兜睺無个人，得佢更加擎心。接落來請假，連續睡三日，目珠用紗布封起來，過著無天日个日。有時務單單用正蕊去睺，這時正發現著麼个號做「單眼相機」。睺近，遠个所在即變做茫茫睺毋會清。

在這三日內，逐件事攔無法度做。生活攔愛人照顧，這時更加體會著「平安、康健即係福」確實係有影。好佳載，現時好到差不多啊，這件意外得佢更加寶惜撫身臂个家人。佢人即係你个避風港，你个倚靠。

作者：李秉璋

☆詞彙學習☆

- | | |
|-------------------------------------|---|
| 【弓蕉刀】giungˋ zioˋ dooˋ：專門用來採收香蕉的小彎刀。 | 【瑣】bbungˋ：塵土飛揚、蒙蓋。 |
| 【遶遶巡巡】lauˋ lauˋ sunˋ sunˋ：走走到處看看。 | 【鑪著】luˋ choo：擦傷。 |
| 【赤妹子】caˋ moiˋ zuˋ：咸豐草或稱鬼針草。 | 【單眼相機】danˋ ngienˋ siongˋ giˋ：單眼相機拍照時，若要拍攝的對象在前，聚焦它，則背後景物會變模糊，當人用單眼看物時，也會如單眼相機一樣，對真實的遠近距離會有誤差。 |
| 【恁弓】nginˋ henˋ：指草長的那麼茂盛。 | |
| 【擲】bangˋ：拔。擲草，就是拔草。 | |
| 【一睷】rhidˋ kunˋ：一段時間。 | |
| 【撞著】dungˋ choo：戳到，在此指眼睛被樹枝戳到。 | |